

Lou Pichot Roudanen : LPR.24, en lengo nostro. 26.05.2020

1) Lou tierça perdènt :

Franço : 28.432 + de counfierma li 9.000 mort à doumicilo countamina pèr lou virus d'après l'estimacioun de MG Franço. S'èro lou cas passarian lèu li 30.000 mort.

Chifro pèr l'Espagno : 26.834 mort e l'Italio : 32.877 mort

Sian en trin d'oubra pèr lou tourna regulié de vosto revisto Li Nouvello de Prouvènço. Dins l'espèro vous mandan uno garbo d'info sus la situacioun atualo à respèt de la pandemio dóu corona-virus, apela tambèn covid-19. Aqueste tèste es apoundu en fourmat PDF à noste mandadis. Poudrés, à voste tour, lou manda en tóuti vòsti couneissènço, pèr faire uno CADENO PROUVENÇALO de reinfourmacion.

2. Evoulun dou buletin:

S'avès besoun d'ùni crounico prouvençalo de Reinié Moucadèu poudèn vous li manda en precisèn lou o li numerò à : jc.roux.regordane48@gmail.com

3. De novo d'en pertout :

3.1. Prouvènço-Aup-Coustiero d'Azur o «Regioun Sud»

1180 persouno soun morto, tuado pèr lou covid-19 despièi la debuto de la pandemio, que siegue en espitau o en EHPAD. La prougression dóu massacre, pamens, ses forço ralentido forço, tout en aumentan en nombre. De nouta que quàuqui décès degu au covid-19 soun esta signala. S'apoundon i nombre de décès enregistra despièi la debuto de la pandemio dins lis Aup de Prouvènço, de saupre Aupfe Prouvènço Auto (11 mort), Autis Aup (17), Vaucluso (35, mai coumprés de mounde di despartamen vesin espitalisa en Avignoun).

3.2. Lou mies es de lou dire...

La revisto «*Li Nouvello de Prouvènço*» obro em'uno granda soucieta enfourmatico franceso pèr l'entre-tèn e lou neteja de soun ourdinatour. Aquesto soucieta a muda si catoun à...Malaga (Espagno). Lou baile di *Nouvello* a 'gu, recentamen d'escambi em'un teinician que ié demandè ounte n'erian en Avignoun e dins tóuti nòstis encountrado. Toumbè sous lou tafanàri quouro ié diguè d'ùni décès degu au covid-19 : Louserò (1), Ariejo (2), Cantau (4), Tarn-e-garouno (5), Dourdougno (12, pèr mai de...409.000 abitant) etc.

3.3. Faire pinchou...

De tèms en tèms fasèn pinchou pèr vèire ounte n'en sian en Americo emé lou covid-19. D'abord, lis USA marchon vers li 100.000 mort (pèr, quand même, 328.240.500 milioun d'abitant). Mai, dins lis anciàni terro indiano dóu pounènt, n'es pas parié. Vaqui li chifro de décès degu au covid-19 pèr lis Estat american councerni : Idaho (79), North Dakota (52), South Dakota (50), Montana (16), Wyoming (12); en quau apoundre quàuqui chifro pèr li Prouvinço vesino dóu Canada : Alberta (138), Manitoba (7), Saskatchewan (7). Estat e Prouvinço an tóuti de densita de pouplacioun au KM2 tras-que fèblo e lou covid-19 amo pas'cò, pòu pas se reprodurre.

4) Au 26.05.2020 à 19 h 30 la situacion en França, pèr la pandemio de coronavirus, èro de :

- 18.112 mort en espitalisacion + 10320 mort en EHPAD + li 9.000 mort à doumicilo estima pèr MG França que soun d'oufficialisa...

Aqueste toutau dounc pren pas encaro en comte les décès à doumicilo degu au virus. De Mars de 2019 à Mars de 2020 i'agu un surplus d'aquéli décès dins França entiero de + 9%. Veiren pèr la chifro di mort à doumicilo la coumparesoun emé li remountado de l'estat-civil. Pièi aquéli d'Abriéu de 2019 à Abriéu de 2020. Emé 9000 mort de plus s'es counfierma passarian davans l'Italio.

7) Pèr la Region PACA au 26.05.2020, e pèr d'uni despartamen dóu Miejour que dounan à lamemo dato, vaqui la situacion :

Aup de Prouvènço-Auto : 11 mort, 17 espitalisacion, 1 reanimacion.

Ardecho* : 225 mort France Bleu, 96 mort en hôpital, 129 en EHPAD.

Ariejo* : 2 mort.

Audo* : 55 mort. Auto-Garouno; 64 mort.

Aup-Marino : : 176 mort, 130 espitalisacion, 11 reanimacion.

Àutis-Aup : 17 mort, 27 espitalisacion, 2 reanimacion.

Àuti-Pirenèu : 25 mort. Auto-Lèiro* : 15 mort.

Aveiroun* : 23 mort.

Bouco-de-Rose : 518 mort, 636 espitalisacion, 72 reanimacion.

Cantau (darnièro info) : 4 mort. Creuso* : 8 mort.

Dourdougno* : 12 mort.

Droumo* : 192 mort. France Bleu, 127 mort en hôpital, 65 en EHPAD.

Erau* : 117 mort. Gard* : 88 mort. Gers : 23 mort. Lando* : 12 mort.

Lousero* : 1 mort. Olt : 22 mort. Olt-e-Garouno : 9 mort.

Pirenèu Óorientau (Catalougno)* : 34 mort. Tarn : 22 mort.

Tarn-e-Garouno : 5 mort.

Var : 127 mort, 151 espitalisacion, 9 reanimacion.

Vaucluso : 33 mort, 33 espitalisacion, 0 reanimacion.

Pèr la Region PACA 884 persouno soun morto à l'espitau despièi la debuto de la pandemio (tant coumprés residènt-to d'EHPAD espitalisa) + 296 soun morto en EHPAD tuado pèr lou covid-19.

Adounc pèr aquesto Region Prouvènço-Aup-Coustiero d'Azur avian :

1180 mort, 993 espitalisacion, 95 reanimacion, manco li mort au siéu.

Pèr li despartamen en foro de PACA, signalan la chifro di décès au 25.05.2020 en Óucitanio e Nouvello Aquitàni.-

5) Leïçoun 1 e 2 : pèr aquéli que lis an pas...

Lou prouvençau pèr li mòti..

De nouta : s'atrobon tambèn sus youtube,

Pica : René Moucadel

Proumiero leïçoun : Lou Counfinamen (25 – 03 – 2020) :

-1- Fau pas sourti de soun oustau.

-2- O alor fau sourti just pèr ana querre lou pan, li pasto, li tartifle (*pommes de terre*), un pau de froumage, quatre poumo d'amour (*tomates*), cinq pòrri (*poireaux*) e dos salado...

-3- Poudès sourti tambèn pèr faire un pau d'eisercice, mai pas mai d'uno ouro e pas trop liuen de voste oustau...

-4- E subre-tout, óublidés pas de prendre lou pichot fourmulàri mounte fau marca soun noum, sa dato de neissènço, soun adrèisso e lou moutiéu de soun desplaçamen... senoun riscas de vous prendre uno pruno o uno amello (*amande*) !!

Bon, deman assajaren la segoundo leïssoun...E mèfi, au bout de sèt (7) leïssoun, i'aura belèu interrogacioun escricho...

Amista en tóuti...

Segoundo leïçoun : La clourouquino... (26/03/2020) :

-1- Lou tipe que n'a parla lou proumié es un Marsihés, lou proufessour Raoult. Es un dis especialisto moundiau li mai recouneigu dins soun especialita.

-2- A di qu'avié pas trop mau marcha dins soun service e que faudrié belèu (*peut-être*) la counseia coume remèdi...

-3- A di tambèn qu'aquéu remèdi èro esta (*en provençal, le verbe être se conjugue avec lui-même et pas avec le verbe avoir. C'est pour ça que les vieux disent souvent : «Je suis été bien malade la semaine dernière...surtout en ce moment !!*), èro esta utiliza despièi au mens trento an dins lou mounde entié sènso pausa vertadieramen (*véritablement*) de proublèmo...

-4- Mai li catau (*les pontes*) de Paris an di qu'eici, an di qu'eila, basto an tourtiha dóu quiéu un bon moumen e an pas vougu se n'en servi...

-5- An miés ama faire si pròpris esperiènci en disènt que dins sièis (6) semano aurién la responso...

-6- Alor que tóuti li jour i'a de centeno de malaut que crèbon dóu Courou-na... e que dins sièis semano, couquinasso, saren tóuti mort!

-7- Basto, iéu dise acò, mai siéu pas un grand saberut (*savant*) dins lis afaire d'infeicioun, de countagioun e nimai de clourouquino....mai quand meme... de fes que i'a (*parfois*) se n'en passo d'estranjo !! Anessias quand meme pas me dire (*ne me dites pas*) que tout acò es just un afaire (*affaire* est masculin en provençal) de councurrènci entre cercaire (*chercheurs*) o labouratòri ?!...

-8- Ah ! quand meme, se l'asard avias dins l'idèvo (*si vous aviez le projet*) de vous n'en servi, vau quand meme miés demanda d'abord à soun medecin...Ges d'auto-medicacioun.. Coumprés? Mèfi !

6) Lou pichot cantoun pèr rigoula un pau...

Après aquelo rudo esprovo dóu counfinamen que vous a tengu embarra dins vòstis oustau moute avès degu manja forço aigo-boulido, tian de faiòu, de tartifle, de coucourdo...o de regardello...de tout segur pantaias de vèire la fin d'aquelo periodo de misèro.

Ansin, fin de respondre à voste double souvet de vous óufri bèn-lèu un rebalun de triò...e d'endrudi voste voucabulàri de prouvençau saberu, voudriéu vous prepausa quàuqui bèu tèste que deurien vous faire saliveja à l'entour d'uno bono taulo...

Vaqui, à voste ounour, mis ami, la courounello de ma couleicioun :

* D'en proumié li bouto-en-trin :

l'a, coume se dèu, de tarabastado de touto meno, moute recoumande, se voulès bèn m'escouta, la galantino cucurounenco e la garrussiero de chambre que, à ço que se disié, counsolè lis estouma.

* La seguido :

que counvèn à-n-aquelo galantino cucurounenco e la garrussiero de chambre me sèmblo èstre uno cacalausado e un aiòli que faguè fuma li bouco e que rimè li moustacho, bèn talamen qu'entant-lèu anavon querre li poumpié de la coumuno pèr nous amoussa.

Pièi vènon uno moulounado espetaclouso d'intrado que la chausido n'es bèn mal-eisado.

Perqué pas la fricassèio de porc d'aglanc la gardiano de bedigasset que n'í'aguè pas pèr tóuti de tant qu'èro goustouso!

* Coume liéume :

Belèu encauso dóu comentàri di mai estrambordant, l'estoumaguet à la bómianoqu'èro un beluguié de delice!

* Coume gibié :

Sariéu d'acord pèr quàuqui broucheto de cici, bèco-figo, petourlino, cacho-nose e quiéu-pouri, mai coumprendriéubèn que vous faguèsse lingueto aquesto bourroulado de becassino que tóuti n'en mangèron à peto-pèu !

* Pèr acaba, (vous espargne li froumage) :

Clapas de crèmo counglaçado e canestello de bounbouniho e de lipetarié pèr aquéli qu'avien encaro uno tripo duberto!

* D'en proumié, **uno taulejado espetaclouso** que lou celèbre William Bonaparte-Wyse óufri-guè à sis ami felibre dins la Salo di Templié, en Avignoun, dins lis annado 1880... Si counvida avien bono maisso, d'aquéu tèms!...

* Pièi uno recampado de menu feibren, **uno taulejado felibrenco**, alestido pèr Armand Vidal moute veirès que li felibre se moucavon pas emé lou couide, e s'acountentavon pas que de soupo de vermichèlli e s'amourravon pas que d'aigo fresco...

Bono leituro e bon apetis. E tenès vous siau e gaiard... Bèn amistosamen! Jan-Pèire Monier

* La Coupo Santo :

E óublidas pas, vous n'en prègue, que despièi la galantino cucurounenco, vanego de-longo la Coupo Santo e Versanto inagoutablamen pleno de Castèu-Nòu-dóu-Papo, e qu'aquéu prouvesimen de-countùni a pas manca de pourta la calour coumunicativo, bèn couneigudo, di taulejado à-n-un degat, que, li soulet dins lou mounde, nòsti gaiard felibre podon ié teni targo

* Riquiqui e brinde...

Pamens, dóu tèms que li counvivo chimon un café sènso cicourèio e un riquiqui que vous reviscoulo, vèn alor l'eissemage di brinde... à-de-rèng regouirant d'estrambord, escandihant de vehemènci, esbarlugant de voio...

Pèr quant à l'inaguracioun dóu bust, que deviè se faire sus li quatre ouro dóu tantost, se capitant emé la digestioun de l'aiòli, de la bourroulado de becassino et dóu rèsto, sarié pulèu aclino à langui e à cauca sus plaço se lou pople, mai soubremen nourri e dessasserma, í'apourtavo pas, coume toujours soun estrambord jamai rau.

* E uno farandoulo endiablado...

Jo e danso se seguissou e, pèr acaba, li felibre qu'an valentamen passa soun anaquelimen se bandisson emé li bèlli chato dins uno farandoulo enrabiado, jamai lasso de sauta e de vira en galanto tirassiero, bèn talamen que lou Soulèu, illustre presidènt de la felibrejado, se fachè e menacè, se li felibre s'arrestavon pas, d'amoussa soun calèu !

Armand VIDAL (L'Estrambord)

Taulejado de famiho

Uno poulido famiho unido coume li cinq det de la man es en trin de dina.

La pichoto fiho de dès an manjo gaire, e gardo lou nas dins sa sieto. A l'èr de pourta un lourd secrèt...

Au bout d'uno passado, la pichoto vèn :

- Ai quaucarèn à vous anouncia.

Lou silènci se fai e tóuti duerbon grando sis au-riho :

- Siéu plus vierge...

E se bouto à ploura.

À nouvèu, un tras-que long silènci, pièi... lou paire s'adrèisso à sa femo :

- Acò's de ta fauto, siés toujours atrencado e fardado coume uno p..., creses que siés un eisèmple pèr ta fiho? Siés toujours à te viétoula sus lou radassié, li gauto de quiéu à l'èr... Acò's uno crento, es coum'acò que li proublèmo ar-rivon!

À soun tour , la femo s'adrèisso à soun ome :

- E tu, creses belèu que siés un eisèmple? À degaia ta pago emé de panturlo que vènon decop de racoumpagna enjusqu'à l'oustau, creses que siés un eisèmple pèr ta fiho de dès an?

E lou paire de countunia :

- E sa grando sorre, aquelo bono-pèr-rèn, emé soun calignaire cabelu e drouga, toujours en trin de se tartifleja e de se poutouneja dins tóuti li cantoun de l'oustau, creses qu'acò's un eisèmple?

Meme lou pepèi vèn apoundre la siéuno :

- De moun tèms, li chato restavon à soun oustau...

La memèi pren sa feleno pèr lis espalo pèr l'assoula e ié demando :

- Mai, ma pichoto fiho, coume acò t'es arriva?

E la pichoto de respondre en estoufant si senglout :

- Es lou curat...

La memèi, aclapado, à mita asfissiado....

- Cou... cou.. coume... lou curat?

E la pichoto fiho de ié respondre :

- Vo, es lou curat... A chausi uno outro fiho pèr faire la Vierge dins la Crècho de Nouvè....

Lou prougrès teini..

Rèn arrèsto lou prougrès!..

Noun sabes se nòsti grand avien sounja qu'un jour, un ome s'anarié barrula sus la luno!..

E que belèu, un jour, s'anarié sus de planeto forço mai liuenchenco, que faudrié d'annado pèr faire lou vouiage...

Aqui sarié de besoun de manda de persouno proun jouino, estènt que se poudrien noun entourna...

Au jour de vuei, dins li subre-marcat, an trouba de machino que podon ramplaça li femo que soun i caisso..

Belèu bèn qu'es li roubot qu'auran pres lou dessus e que, nous faran travaia à cop de pèd au q...!

S'es vist de mouloun de filme que li singe e li roubot nous mestrejon...

À la caisso, es uno machino que fa l'adicioun, sènso rèn desbala...apelon 'cò un escanèr autoumati (ai pas di un escanaire autoumati!).

Parèis que se noun se plaço en Franço, sarié fin de noun metre au chaumage de mouloun de queissiero...verai? ... pas verai)...

Mai, un subre-marcat, *La Moumouto*, pèr pas lou nouma, a fa un assai :

Li cliènto e li cliènt passon davans lou roubot de caisso que fai d'uiou d'en pertout sènso rèn metre sus la coumtado, e «*l'animau*» charro :

À la grando souspresso dóu cliènt :

- Avès uno cervello d'agnèu...uno tèsto de ve-dèu...de pèd de porc...un fege de canard e de rougnoun de biou... fai que se venias à passa au foutoumatoun, poudrian rigoula cinq minuto!..

Estève GAILLARDET, *dóu Mas de Grichaud*

Toutò

Es toujours gaiard lou pichounet.

Vuei, sa mèro i'a douna un masco, que voudrié pas que se faguèsse emboucana.

Toutò pren lou masco, l'assajo e dis à sa mèro :

- N 'en vole pas!..

- Coume? N'en vos pas, vas aganta lou covid-19! Auras la cagagno!! Anen te perdre...

E Toutò de dire :

- N'en volo pas que m'empacharié, lou masco, de suça lou bastounet de regalisso que m'as croumpa!..

Anulacioun :

* La Fèsto di Fen à Mount-Favet de la fin d'Avoust 2020 es anulado.

* Li Barberoussado dóu mes de Juliet 2020, à Mountelimar, soun anulado.

* La Fèsto dis Aire 2020, au Mount Lousero es anulado, l'amountagnage es pamens mantengu, se fara sus li draio coustumiero.

* Li Fèsto de la musico se faran pas.

7) Lou Prouvençau pèr li mòti emé Reinié Moucadel :

Leiçoun 47 : La fin-finalo...!

E o !!!

A bèn lèu.

(1) L

(2) M.